


RECHARGE

Ol step blo wota kwaliti tes




Yu labelem plastik bag after yu kolectem 100 ml blo sampol




Adem paoda (Aquagenx growth medium)



Putum insaed long wan box o katen blo 3-4 dei. Yu notem daon risal




3-4 dei



Kapsaetem aot sampol blo wota iko lo toilet

Intapretem ol risal



Yelo o yelo braon

Risal: Nekatif / nokat presens blong bebet (*E. coli* bakteria)



Blu o blu grin

Risal: Positif / presens blong bebet (*E. coli* bakteria)

Sapos risal blong kwaliti tes hemi positif (wota hemi blu o blu grin) hemi minim seh I kat presens blong bebet ya *E. coli* bakteria insaed long wota.

E. coli bakteria o bebet hemi laef insaed long gut blong ol Man mo ol Animol, yumi saveh faenem tu long ol toti mo long sisit blong ol Man mo ol animol. Plante taep blong ol bebet ya hemi denjares mo hemi saveh kosem sickness. Presense blong *E. coli* bakteria long wota hemi posibli endicatem seh contaminesen ya hemi pass tru long ol toti blong ol animol mo ol Man.

Blo ridiusem risk blong saveh kasem sick, yu mass tritim wota bifo yu drink, mo yu strorem long wan safe ples.


RECHARGE

Fes tritmen: Lego wota hemi setel

Lego wota hemi res abaot 24 haoa insaed long kontena. Ba yu noticim insaed long wota sam toti bae oli sink go daon long bottom blong kontena.

Taem 24 haoa hemi pass, yu transferem wota slo nomo go long wan narafala klin kontena. Mek sua seh yu no muvmuvum kontena tumas lukaot toti mix wetem wota bakeken.

Yu saveh ripitim process ya afta lo wan nara 24 haoa bakeken blong kat clin wota oltaem.



RECHARGE


Fes tritmen: Strenem wota

Yusum wan bigala clin kalico weh yu saveh foldem 8 taem blo mekem plante laiya.

Yu foldem gud kalico ya afta yu putum handap lo wan clin kontena fasem gud.

Porem wota I go tru long klin kalico blong hemi filtarem oat ol toti tru long ol 8 laiya kalico ya mo hemi go insaed long klin kontena.

Mek sua seh yu yusum klin kalico oltaem mo sapos kalico ya hemi go olfala o prokprok yu mass changem.



RECHARGE

Wota tritmen: Boilem wota



Mass yusum wan klin sospen weh hemi strong mo hemi kat wan gudfala lid blong boilem wota.

Hotem wota long faia kasem taem hemi boil gud taem yu look ol babol oli kamaot long wota yu lego 1 stap abaot 1 min olsem.

Afta yu karemaot suspen yu lego lid blem 1 sat nomo stap afta lego wota hemi kolkol.

Taem wota hemi kuldaon gud naya yu saveh kasem 1 go long wan klin botel plastic or kontena blong yu saveh drink.

RECHARGE

Wota tritmen: Yusum San (SODIS - solar disinfection)

Yusum wan klia, klin plastik botel mo fulmap wota lem.

Putum plastik botel ya long san, handap long kapa or handap long wan samting long wan klia ples.

Sapos san hemi strong o gud weta yu putum 1 stap long san blo 6 haoa olsem. Beh sapos weta hemi klaodi lelebet yu mass lego plastik botel 1 stap long san blong abaot 48 haoa olsem.

Afta long ol haoa ya long san yu karemaot botel wota lego hemi kul daon. Afta long kul daon yu saveh drink wota insaed long plastik.



RECHARGE

Mass protektem wota weh yu tritim

Taem yu tritim wota blong mek sua seh hemi sef blong drink, naia yu mass protektem akensem ol diferen kaen contaminesen.

Everi taem mass storem wota blong drink long wan klin kontena weh hemi kat wan gudfala lid.

Yu no mass putum kap I go insaed lo kontena blong kasem wota blong drink, yu mass karem kontena or mekem hemi lei blong wota hemi saveh ron I go insaed long kap blong yu saveh drink.

Yu mass sta klinim kontena blong wota everi taem.

